



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput VI. Idem (a) Norvicensi Episcopo.

---

[urn:nbn:de:hbz:466:1-74533](#)

## CAPUT VI.

Idem (a) Norvicensi Episcopo.

**C**ontinebatur autem in litteris tuis, quod cum quedam puella infra nubiles annos  
cuidam viro in uxorem tradita fuerit, & ab ipso (b) traducta, suis parentibus as-  
serentibus eam legitimam aetatis existere; haec ad nubiles (c) annos perveniens, alii nu-  
bendi licentiam postulavit, afferens in eundem virum nullatenus consensisse: prae-  
dictus vero vit contra proponit, quod licet eadem puella nondum fortè annum XI.  
attigisset, cum ei tradita fuisset in uxorem, usque adeò tamen aetati fuit proxima, quod  
ipsam carnali commixtione cognovit. Inde est, quod cum ipsa eidem viro dicit se in-  
cognitam, & tu nos consulisti, verum alii possit nubere: taliter respondemus, quod  
(d) in decretis habetur expressum, quod si vir dixerit, quod uxorem suam cognoverit,  
& mulier negaverit, viri standum est veritati. Unde praefato viro, qui se dicit  
præfamat mulierem cognovisse, fides est adhibenda, si id juramento firmaverit; &  
si fuerit proxima in XI. (e) vel circa XI. annum, & (f) cum suo assensu, & voluntate  
parentum despontata, & (g) benedicta fuerit, & cognita; ab eodem viro separari non  
debet, presertim cum parentes ejus ipsam fuisse legitimam aetatis (h) profiteantur. Si  
vero puella infra nubiles annos, & aetati proxima alicui despontata fuerit benedicta,  
atque traducta, non licet alicui de consanguinitate illius, cui despontata fuerit, eam  
ducere in uxorem, nec fas est eidem sponso de consanguinitate pueræ sibi desponta-  
ta aliquem sibi (i) copulare.

## NOTÆ.

1. (a) **N**orvicensi. ] Ita etiam legitur in I. collect, sub hoc tit. cap. 8. & post Concil. Lateran. p. 6. cap. 10. ex quo ita restituo litteram hujus textus. De diocesi Norvicensi nonnulla adduxi in cap. 9. derecriptis.
2. (b) **T**raducta. ] De hac traductione in domum viri egi in cap. ex parte, de restri. spol.
3. (c) **N**ubiles annos. ] De aetate ad nuptias necessaria, egi in cap. 2. hoc titul. ubi commentarium hujus textus dedi.
4. (d) **D**ecretis. ] Burchardi lib. 9. cap. 42. Ivonis lib. 6. tit. 10. cap. 8. Panormit. p. 8. cap. 180. Gratianni in cap. 8. 33. q. 1.
5. (e) **I**n XI. vel circa. ] Perplexa nimis ac vexata quæstio est apud interpetes, quis dicatur proximus pubertati? Et ea fuit antiquorum sententia, videlicet masculum, qui 10. annos cum dimidio explevit, esse proximum pubertati, foeminae etiam, qua novem & dimidio major est. Ita docuerunt Accursius in §. pupillus, Inst. de iuris lib. stipul. Quintil. Mandolius de aetate cap. 4. num. 35. P. Greg. lib. 50. Syntagma. cap. 7. num. 4. Corrasius lib. 6. miscel. cap. 33. Caldas Pereyra in l. 7 curatorem. verbo Minoribus, C de integrum restit. num. 7. Othomianus in d. §. pupillus, Felicianus lib. 2. de censibus, cap. 2. num. 2. Averanno ead. tractat. cap. 81. num. 4. Farinac. tom. 3. praxis crimin. quæst. 92. num. 9. qui varia fundamenta adducunt, & præcipue textum in §. final. loferit, quibus ex causis manum. ubi cum olim ex lege Alia Sententia non posset servum manumittere, nisi qui 20. annis minor erat, Justinianus hanc facultatem prostraxit ad eos, qui 17. annum adimpleverint; quia eos illi aetati proximos esse judicat, cum plus distent à pupillari, quam à 20. annorum aetate. Unde deducit Abbas in præsenti, num. 9. quod cum infantia ad septimum usque annum producatur, aliisque lep-
- tem usque ad puberatem supersint, masculus, qui decem annos cum dimidio explevit, cum illius temporis medietatem excesserit, magis proximus dicitur pubertati. Hanc sententiam amplius fuit Alfonsus noster in l. 4. tit. 19. part. 6. & in l. 9. tit. 1. part. 7. & in l. 17. tit. 14. l. 8. tit. 31. ead. part. 1. 6. tit. 5. part. 6. Verum hanc sententiam alii impugnarunt ex eo, quia qui decimum & dimidium annum egreditus est, pubertati quidem propior est, & sic comparare; sed non proximus est, quod vicinam magis conjunctionem significat, & eum qui parum a pubertate absit, indicat. Deinde quia Graeci proximum puber-  
tati interpretantur eum, qui octavum, vel nonum annum agit, ut probant Theophilus in d. §. pupillus, Balsamon in nomocan. titul. 14. §. 13. Secunda sententia fuit existimantium, tum pupillum pubertati proximum dici, cum sex mensibus plus minus ab ea distat; quam sequuntur Accursius in l. non tantum 17. vers. Semestre, ff. de excus. tutor. plures congesti à Sanchez lib. 7. disp. 104. num. 37. Faber in l. 1. §. an in pupillum. ff. depositi, Cujac. lib. 17. obser. cap. 4. Plaza lib. 1. de delict. cap. 34. num. 4. Alii laudati à Narbona de aetate, anno 10. cum dimidio, q. 2. num. 3. pro qua sententia expendi solent textus in l. non tantum 17. in princip. ff. de excus. tutor. l. properandum, §. 3. si quid. cl. 2. C. de judiciis. Sec fatus absurdè, ut probat Gothofr. in l. pupillum 111. ff. de reg. jur. Sed hanc opinionem latè impugnat Menochius d. lib. 2. de arbitr. casu 57. num. 29. Paulus Zacchias qq. Medicolegal. lib. 1. tit. 1. q. 5. num. 20. Hostiens. in præsenti, cum tantum pubertati proximum esse dicit, qui per triduum ab ea distat; ad quod probandum adducit textum in l. 3. §. hoc interdicto, ff. de liber. exhib. Sed perperam, ut probat Narbona d. q. 2. num. 4. Tandem Cujac, in præsenti, pueram pubertati proximam definit, qua undecimum annum agit; & puerum, qui habet annum 13. cui

cui consentiunt Rewardus in l. 3. ff de reg. jnr. Petrus Faber in l. 5. cod. iii. Caspar Hurtado de matrim. disib. 22. difficult. 12. n. 46. Sed ab ejus sententia discedit Joannes Robertus lib. 2. lec. c. 17. afferens pubertati proximum dici, quidem cum quartum annum est ingressus. Sed his omnibus omissis, alii verius putant, totum hoc relinquendum esse judicis arbitrio, qui pensatis circumstantiis persona, & regionis definit, quando quis dicatur proximus pubertati. Ita docuerunt Paulus Zaccarias ubi suprà, Menochius, Covarr. & alii congesti à Narbona d. q. 2. n. 12. Sed adhuc verius credo, hodie nullum esse judicis arbitrium in hac parte, cum legibus partite præfinita sit certa ætas, ut quis dicatur proximus pubertati, ut suprà probavi; à quibus discedendum non est, cum ea tantum relinquantur judicis arbitrio, quæ à lege determinata non sunt, l. i. in fine ff. de jure delib. l. mora, ff. de usuris, l. de accessionibus ff. de divers. & tempor. prescript. cap. de causis, §. illis, de offic. delegat. ubi probavi. Et jure canonico attento certum est, fœminam in undecimo anno, virum in decimotertio dici proximum pubertati, ut si malitia suppletat ætatem, possit matrimonium contrahere, juxta tradita suprà in cap. 2.

(f) *Cum suo assensu.*] Juxta adducta suprà in cap. 1. hoc titul.

(g) *Benedicta.*] Solenni benedictione videlicet, de qua agemus in capite primo, de secundis nupsiis.

(h) *Profitentur.*] Ætas hominis variis modis probatur, alpeст corporis, l. si minor 33. ff. deminor, l. si alterius, C. si minor se majorē: testibus, l. nec omissa, C. de liberali causa, l. 2. C. de his qui veniam etatis: descriptione censuali, l. etarem, ff. de censibus; eorum enim, qui censebantur, ætas olim in acta referri solebat. Plinius lib. 7. cap. 18. natali professione, etiam si à matre, vel avia fiat, l. cum de etate, l. etiam, l. penult. ff. de probat. l. non nudis, C. de probat. l. i. C. si major se minorem, l. 2. ff. de excusat, tut. olim enim parentes apud præfectum ærarii diem edebant, quo sibi erant nati liberi, utlique ex lege nec omissa, l. parentes, C. de liber. causa, l. penult. ff. de probat. Unde Suetonius in Tiberio ait: *Natus est Roma in palatio 16. Kalend. Decembr. Marco Emilio Lepido* ita.

rum, & M. Plancus Coss. post bellum Philippense; sic enim in factos, actaque publicare latum est. Apuleius aplop. 2. ibi: *De arate vero Pudemila, de qua post ista saisi confidener mentitus es, ut etiam 60. annos natam diceres nupsisse, de ea pancy tibi respondebo, nam in re tam perspicua non est opus pluribus disputatione: pater eius natam sibi filiam amore ceterorum professus est: tabulae ejus partim tabulario publico, partim domo aservantur.* Julius Capitoninus de Marco Antonino loquens: *Inter hec, ait, liberales causas ita minuit, ut primus juveret apud Prefectos ærarii Saturnini unumque civium natos liberos profiteri intra trigesimum diem, nomine imposito; per provincias tabulariorum publicorum usum instituit, apud quos idem de originibus fieret, quod Roma apud Prefectos ærarii.* De qua professione nonnulla adduxi in cap.... Apud nos certior ætatis probatio sumitur ex libro, ubi scribuntur nomina baptizatorum.

(i) *Copulare.*] Ob impedimentum affinitatis, de quo egī in cap. 1. de consanguin. & affin.

### COMMENTARIUM.

Cum puella impubes, sed major infante, nupsisset Lucio Titio ex consensu parentum, qui etiam affirmarunt eam puberem esse, atque ita in Ecclesia solenniter benedicta, à marito cognita, & in domum traducta esset, postea pubes facta negavit se in maritum consensisse, & ita matrimonium non celebrasse. Sed Lucius Titius probavit, eam proximam esse pubertati, à seque carnaliter cognitam fuisse, cum jure iurando asseverat. Pontifex matrimonium validè contractum esse definit: & per consequens propter affinitatem quæ intercedit inter virum & cognatos uxoris, inter uxorem & cognatos viri, nec virum posse unquam, ne mortua quidem uxore, aliam ducere ex ipsius cognatione; nec uxorem alii nubere ex cognatione viri: quod & docuit ipse Pontifex in cap. II. hoc titul. in I. compil. ibi: *Sponsa autem si nubili etati proxima est, nullus consanguineorum potest eam matrimonio copulare.* Nam, ut suprà probavi in capite 2. matrimonium inter puberes & puberati proximos contrahiri valet.

### CAPUT VII.

*Idem (a) Bathon. Episcopo!*

**D**e illis, qui infra annos aptos matrimonii contrahendis sponsalia contrahunt, sive uterque, sive alter, antequam ad annos aptos matrimonii contrahendis pervenerint, reclamet, & postulet separari, non sunt audiendi. Si vero alterutrum istorum ad annos aptos matrimonii contrahendis pervenerint, infra eosdem annos alterutrum existente, cum quo eadem sponsalia contrahuntur, si is qui minoris ætatis est, cum ad annos illos pervenerit, reclamaverit, nec in alterum voluerit consentire, judicio Ecclesiae debent ab invicem separari. Utrum autem mulier, quæ postquam annos nubiles attigit, ei, qui nondum ad annos aptos matrimonii contrahendis venerat, nupsit, ab eo, si querat dissidium, debeat separari? Consultationi tuae taliter respondemus, quia cum in eum semel consenserit, amplius dissentire non poterit aliquatenus, vel divertere, nisi forte ipse, cui nups'erit, postquam ad annos aptos matrimonii contrahendis pervenerit, in ea suum omnino negaverit præstare consensum.

D.D. Gonzal. in Decretal. Tom. IV.

H 2

NOTÆ.